

SAMÞYKKT

um hundahald í Djúpavogshreppi.

1. gr.

Hundahald í Djúpavogshreppi sæti eftirfarandi takmörkunum:

- a. Eigandi skal án tafar láta skrá hund sinn á hrepps skrifstofu. Við skráningu fær eigandi hundsins afhenta plötu til að festa á ól, sem ætíð skal vera um háls hundsins. Við skráningu skal hundaeigandi undirrita yfirlýsingu um að hann skuli í einu og öllu fara með hund sinn eftir fyrirmælum samþykktar um hundahald í Djúpavogshreppi eins og hún er hverju sinni.
- b. Eiganda er skylt að kaupa ábyrgðartryggingu hjá viðurkenndu váttryggingafélagi, þannig að tryggt sé, að tryggingin taki til alls tjóns, sem hundur kann að valda án nokkurra óeðlilegra skilyrða að mati hreppsnefndar.
- c. Óheimilt er með öllu að láta hunda ganga lausa, nema smalahunda á þeim tíma, er þeir eru notaðir við smalamennsku svo og minkahunda, dýrhunda og sporhunda, þegar þeir eru að störfum í gæslu eiganda eða umráðamanna. Alla aðra hunda skal hafa í tryggu haldi, en heimilt er að hafa þá í taumi úti við í fylgd með manni, er hefur fullt vald yfir þeim. Eigi er heimilt að hafa með sér hunda, þó í taumi séu, inn í skólahús og starfsstöðvar hverju nafni sem nefnast, þar sem úrvinnsla, meðferð eða geymsla matvæla á sér stað.
- d. Hundaeigendum er skylt að sjá svo um, að hundur raski ekki ró manna eða verði mönnum til óþæginda. Skilyrði fyrir hundahaldi í sambýlishúsum er, að allir íbúðareigendur samþykki slíkt og skal leggja fram skriflegt samþykki þar um við skráningu hunds, er gildi þar til sveitarstjóra berst skrifleg afturköllun frá einhverjum íbúðareiganda.
- e. Til að standa straum af kostnaði hreppsins af skráningu og eftirliti með hundum í hreppnum, skal hver hundaeigandi greiða árlegt gjald til hreppssjóðs. Gjaldið greiðist fyrirfram við skráningu hundsins til næstkomandi júlímánaðar og síðar árlega 1. júlí fyrir eitt ár í senn. Hreppsnefnd ákveður fjárhæð gjaldsins í gjaldskrá, sem umhverfisráðherra staðfestir og er hreppsnefnd heimilt að ákveða gjaldið lægra fyrir nauðsynlega minkahunda, dýrhunda, sporhunda og smalahunda. Af hundum, sem blindir menn og öryrkjar þurfa á að halda vegna fötlunar sinnar, skal ekkert gjald greiða. Við greiðslu gjalds þessa ber hundaeiganda að sýna fullgild skilríki fyrir greiðslu váttryggingagjalds samkvæmt b-lið þessarar greinar, váttryggingaskírteini, vottorð dýralæknis um að hundur sé ekki haldinn smitandi sjúkdómi og hafi verið hreinsaður af bandormum, svo og öll skilríki er máli skipta samkvæmt lögum um hundahald og varnir gegn sullaveiki svo og fyrirmælum, sem heilbrigðisnefnd setur varðandi hunda.
- f. Sé hundaeigandi undir 16 ára aldri verður honum eigi veitt leyfi til hundahalds nema forráðandi ábyrgist allar skyldur hans samkvæmt samþykkt þessari og áriti sérstaklega yfirlýsingu þar um.
- g. Ábúendum lögbýla sem eru innan marka hrepps sem jafnframt er þéttbýlishreppur er heimilt að halda þarfahunda, án þess að leyfisgjald komi fyrir, enda gildi sömu reglur um þá hunda innan þéttbýlis og aðra hunda.

2. gr.

Fyrir minni háttar brot á samþykkt þessari skal hundaeigandi sæta skriflegri áminningu og greiða allan kostnað er leiðir af brotinu. Ef um ítrekað brot er að ræða eða meiri háttar brot hefur hundaeigandi fyrirgert rétti sínum til að halda hund í Djúpavogshreppi. Skal hann gjalda allan kostnað vegna brotsins og afhenda hund sinn til lögreglu, sem síðan ákveður hvað skuli gert við hundinn.

3. gr.

Hundar úr aðliggjandi sveitum, sem ekki eru í fylgd með eiganda eða umráðamanni, svo og aðrir ómerktir flækingshundar, skulu teknir úr umferð. Gefi eigandi sig eigi fram og/eða vitjar hundsins ekki innan einnar viku, hefur lögreglan heimild til þess að lóga viðkomandi hundi í samræmi við ákvæði 6. kafla dýraverndunarlaganna nr. 15/1994. Merktir hundar á flækingsi skulu einnig teknir úr umferð. Ef eigendur vitja þeirra eigi innan eins sólarhrings og svara ekki til saka fyrir brot á samþykkt þessari, sé um slíkt að ræða hefur lögreglan heimild til þess að lóga hundi án frekari fyrirvara.

Hunda, sem ráðast á eða eru hættulegir mönnum og skepnum, er heimilt að fjarlægja þegar í stað. Heimilt er að lóga slíkum hundum þegar í stað.

Heilbrigðisnefnd hefur eftirlit með hundum samkvæmt samþykkt þessari og skal það tilkynna hreppsnefnd án tafar um allar kærur, sem þeim berast vegna meintra brota á samþykktinni. Heimilt er heilbrigðisnefnd gerist þess þörf að leita aðstoðar lögreglu til að framfylgja ákvæðum samþykktarinnar.

4. gr.

Ofangreind samþykkt hreppsnefndar Djúpavogshrepps staðfestist hér með samkvæmt 22. gr. laga nr. 81/1988, um hollustuhætti og heilbrigðiseftirlit, til þess að öðlast gildi við birtingu. Frá sama tíma fellur úr gildi samþykkt nr. 341/1987 um hundahald í Búlandshreppi.

Umhverfissráðuneytið, 19. janúar 1995.

F. h. r.

Ingimar Sigurðsson.

Sigurbjörg Sæmundsdóttir.

AUGLÝSING

um skrá Hveragerðisbæjar skv. 2. mgr. 19. gr. laga nr. 94/1986, um kjarasamninga opinberra starfsmanna.

Starfsmenn sem eru undanþegnir verkfalli sbr. ákvæði 19. gr. laga nr. 94/1986:
Launafulltrúi og atvinnumiðlun.
Forstöðumaður í áhaldahúsi.
Staðgengill forstöðumanns í áhaldahúsi.

Hveragerði, 30. janúar 1995.

Einar Mathiesen bæjarstjóri.